



Acta de entrega da posesión para uso público, con afección concorrente co servizo público hospitalario, do espazo situado na entrada do Hospital Provincial na rúa Loureiro Crespo, para a súa integración coas obras municipais de "mellora da accesibilidade na contorna da fronte do Hospital", por se tratar de fins e servizos/usos públicos compatibles.

En Pontevedra, sendo as 12:00 horas do día 2 de novembro do 2016,

Reunidos

Por parte do Servizo Galego de Saude:

Don Antonio Fernández-Campa García-Bernardo, Xerente do Servizo Galego de Saúde, quen actúa no nome e representación do SERGAS e no exercicio das atribucións conferidas.

Por parte do Excmo. Concello de Pontevedra:

Don Miguel Anxo Fernandez Lores, na súa condición de Alcalde-Presidente, quen actúa no nome e representación do Concello e no exercicio das atribucións conferidas pola lexislación de réxime local.

Ámbulos comparecientes, recoñécense capacidade legal e mutua competencia para a formalización desta acta de entrega de posesión, compartida para uso público e servizo público hospitalario, e para os efectos manifestan:

I

Que en data 5 de abril de 2016, o Sr Concelleiro de Goberno delegado da área de mobilidade do Concello de Pontevedra dirixía escrito á Xerencia da Xestión Integrada de Pontevedra e o Salnés, no que daba conta de que se estaban a acometer obras aprobadas pola Xunta de Goberno Local en data 9/03/2015, de "*Mellora da accesibilidade na contorna da fronte do Hospital*" na rúa doutor Loureiro Crespo, nas inmediacións do Hospital Provincial, e das reunións mantidas entre os técnicos de ámbalas institucións, nas que concluíron que as finalidades públicas desta obra municipal para mellora da accesibilidade veríanse complementadas e incrementadas coa integración co espazo libre da entrada ao hospital e o seu uso público -compatibilizado coa afección ao servizo público hospitalario-, así coma coa propia mellora da accesibilidade neste eido.

Patentizábase nese escrito a necesidade dunha actuación coordinada entrábalas Administracións, polo que se pretende consensuar unha proposta de actuación no referido espazo hospitalario que precisaría, no amentado obxectivo de integración e mellora de accesibilidade, dunha serie de actuacións como a rebaixa do muro perimetral, tratamento da superficie dos accesos ou o traslado da caseta á zona do aparcamento autorizado por licenza de 30 de agosto do 2010, entre outras.

Así as cousas, o Concello instaba a posta a disposición dos terreos ou a autorización para execución das obras na entrada ao hospital, admitindo que o uso do espazo que se reflicte no plano que se achega á presente, pasase a compatibilizar o seu uso como espazo público -destinado a uso público-, sen perder por isto a súa adscrición ao servizo público hospitalario, de titularidade autonómica.



XUNTA DE GALICIA
CONSELLERÍA DE SANIDADE



CONCELLO DE
PONTEVEDRA

II

A Xerencia da Xestión Integrada de Pontevedra e o Salnés, mediante escrito do 6 de maio do ano no que andamos, manifesta ao Concello a conformidade coas obras proxectadas na entrada ao hospital, admitindo que o espazo referido pase a compatibilizar os seus usos como espazo público destinado a uso público xeral, sen perder por iso a súa adscrición ao servizo público hospitalario, ao considerar que tal actuación é beneficiosa para os usuarios do centro hospitalario -facilita e mellora as condicións de accesibilidade- así como para a institución mesma, que se verá notablemente mellorada tanto na imaxe do centro coma nos recorridos e escaleiras de acceso, que pasarán a integrarse á vocación peonil, axardinada e urbana, dun espazo aberto á rúa Loureiro Crespo, coa que, de feito, compatibiliza o seu uso.

III

A proposta da Xerencia trasladouse, pola Dirección Xeral de Recursos Económicos do Servizo Galego de Saúde, á Secretaría Xeral Técnica e do Patrimonio da Consellería de Facenda, que o 9 de agosto do 2016 acorda autorizar as obras na entrada do Hospital Provincial de Pontevedra e o seu uso público xeral do espazo afectado.

Xa que logo, ámbalas partes, formalizan na presente acta a entrega da posesión consonte á seguinte cláusula:

Don **Antonio Fernández-Campa García-Bernardo**, no nome e representación do Servizo Galego de Saúde, pon a disposición do Concello, para uso público xeral concorrente e compatible coa afección ao servizo hospitalario de titularidade autonómica, o espazo que se reflicte no plano elaborado polo Sr. Arquitecto xefe da Oficina Técnica Municipal de Obras e Planeamento que se achega á presente, sito na entrada do Hospital Provincial na rúa Loureiro Crespo, coa finalidade de poder executar as obras de integración e mellora de accesibilidade pactadas entrámbalas institucións e compatibilizar ámbolos usos; e, don **Miguel Anxo Fernández Lores** no nome e representación do Concello de Pontevedra, toma posesión neste acto do referido espazo, servindo a presente acta como comprobación para o trazado de planta, previo ao inicio das obras con referencia 2016/DOCCMV3/001432.

Os outorgantes, despois de lida a presente acta de entrega da posesión que se estende en dúas páxinas e un plano, amosan a súa conformidade e a ratifican e asinan por duplicado exemplar.

- Polo Concello de Pontevedra
O Alcalde

Asdo.- Miguel Anxo Fernández Lores

-Pola Xunta de Galicia
O Xerente do Sergas


Asdo.- Antonio Fernández-Campa García-Bernardo



XUNTA DE GALICIA
CONSELLERÍA DE SANIDADE



CONCELLO DE
PONTEVEDRA



area de cesión no entorno do fronte do hospital

Plano	ámbito	Hasta	00
escala	1/500	Razo	01

CONCELLO DE PONTEVEDRA
outubro 2016, mod a



[Handwritten signature]